



**PROCEDURA RADA NA  
ODSJEKU OPIJATSKE SUPSTITUCIONE TERAPIJE (OST)  
U VANREDNIM PRILIKAMA  
privremena 2**

**Standard: 23  
Kriterij: 34,35  
Grupa: 4**

**Nahorevska br. 173  
71000 Sarajevo, Bosna i  
Hercegovina**

**Tel: 033 257 750; Fax: 033 257 751  
e-mail: [zalcnarc@bih.net.ba](mailto:zalcnarc@bih.net.ba)  
[www.zalnarc.net](http://www.zalnarc.net)**

**Datum usvajanja: 06.04.2020**

**Broj protokola:**

0202-496/20

**UKUPNO STRANICA: 3**

### 1. Opšta izjava o politici

U skladu sa novonastalom situacijom u vezi sa pojavom virusne pandemije, Zavod za bolesti ovisnosti Kantona Sarajevo je u obavezi da postupa prema odlukama kriznog štaba te da u skladu sa tim mijenja ustaljeni načina rada te isti prilagođava vanrednoj situaciji. Procedura rada na odsjeku OST-u u vanrednim situacijama je neophodna i kao takva predstavlja obavezu svim radnicima i pacijentima koji dolaze na pomenuti odsjek.

### 2. Područje primjene

Procedura se primjenjuje na odsjeku Opijatske supstitucione terapije – Odsjek OST-a

### 3. Distribucija i nadzor

**3.1** Za distribuciju procedure zadužene su glavne sestre odjeljenja. Šefovi odjeljenja, šef odsjeka i glavne/odgovorne sestre/tehničari vrše nadzor nad provođenjem ove procedure.

**3.2** Procedura treba da je postavljena na vidno mjesto, dostupna svim radnicima koji su obavezni da provode ovu proceduru.

### 4. Procedura / opis postupka

Procedura se provodi u skladu sa uputstvom za osoblje odsjeka za OST program vezano za privremenu mjeru propisivanja supstitucione terapije. Naredbom Kriznog štaba Ministarstva zdravstva Kantona Sarajevo (br. 13-20/2020 od 10.03.2020. godine) na okolnosti vezane za epidemiološku situaciju sa Corona virusom (COVID-19), a u cilju preveniranja zaražavanja i prenošenja infekcije korisnicima usluga i osoblju, trenutno se provode vanredne, privremene mjere propisivanja supstitucijske terapije na slijedeći način:

- Pacijentima koji su na programu OST- Metadonska terapija, a dolaze svakodnevno omogućena je nošenje doza (povlastica) prvog nivoa, tj. da dolaze svaki drugi dan kada će dobiti terapiju za taj dan i preuzeti jednu dnevnu dozu za sutradan pri čemu petkom preuzimaju terapiju za dva dana
- Navedeno pravilo se može primjenjivati samo za pacijente za koje ljekar i medicinski tehničar procijene da je to moguće, odnosno kod kojih ne postoji povećan rizik zloupotrebe preuzete terapije
- Navedeno pravilo se ne može primjenjivati kod nestabilnih i visokorizičnih pacijenata

- Pacijentima koji su na programu OST-Suboxonom/ Buprenorfinom može se propisati terapija za petnaest /15/ dana ali samo onim pacijentima koji, po procjeni ljekara, mogu biti u ovom režimu bez rizika od zloupotrebe lijeka
- Nadležne apoteke za podizanje recepata već su dobile navedenu informaciju
- Svi zdravstveni radnici su obavezni da se pridržavanju propisanih mjera samozaštite kao i da neprekidno provode edukaciju i promociju mjera zaštite kod saradnika i pacijenata
- Privremena mjera traje do ukidanja navedene naredbe

Osim mjera propisanih od strane kriznog štaba, na odsjeku OST-a važe i privremene dodatne mjere koje imaju za cilj prevenciju infekcije Corona virusom. Tih mjera su dužni su se pridržavati kako pacijenti i njihovi suradnici, tako i zdravstveni radnici i stručni saradnici.

### **VANREDNE MJERE ZA PACIJENTE:**

- Prije ulaska u objekat OST-a, pacijentima je sugerisano da ispred objekta ne stoje u grupama te da se drže propisane socijalne distance.
- Svim pacijentima su podjeljene zaštitne rukavice i višekratne maske, te im je objašnjen način na koji se koriste.
- Prilikom ulaska u objekat pacijenti se također trebaju pridržavati mjere socijalne distance (udaljenost najmanje 1,5 metar između dva pacijenta). U tu svrhu, u objektu i izvan njega postavljene su trake kojima se označava preporučena socijalna distanca.
- Na samom ulazu u objekat OST-a stoji otirač natopljen dezinfekcionim sredstvom te je svaki pacijent dužan stati na isti tako da dezinficira donji dio obuće
- Nakon ulaska svi pacijenti dezinficiraju ruke dezinfekcionim sredstvom uz nadzor osobe iz službe obezbjeđenja objekta (zaštitar)
- Svi pacijenti pristupaju mjerenju tjelesne temperature na daljinu što realizira medicinski tehničar
- Poštujući mjeru socijalne distance pacijenti jedan po jedan prilaze boksu za podjelu terapije gdje im se ista izdaje po gore propisanim pravilima
- Ukoliko se treba uraditi skrining test uzorka urina na PAS-e, nakon mikcije pacijenti su dužni oprati ruke sapunom te ponovno ih dezinficirati pa tek onda prići boksu za podjelu terapije
- Ukoliko pacijenti imaju potrebu za razgovorom sa ljekarom, psihologom ili socijalnim radnikom, ulaze na intervju koji se također vodi uz mjeru socijalne distance
- Kada pacijenti preuzmu svoju terapiju dužni su napustiti prostor za podjelu terapije bez suvišnog razgovora kako sa osobljem tako i sa drugim pacijentima

### **VANREDNE MJERE ZA OSOBLJE :**

- Radno vrijeme osoblja koje radi na OST programu/ljekari, medicinski tehničari, psiholozi i socijalni radnici, higijeničarka je skraćeno
- Odsjek OST-a u vanrednim uvjetima radi od 08,00- 14,00 sati s tim da su subota i nedjelja također neradne te se podjela terapije vrši onako kako je opisano u uputstvu za osoblje na OST programu u vanrednoj situaciji
- Svo osoblje odsjeka OST-a dužno je tokom radnog vremena nositi maske na licu
- Prilikom ulaska u objekat, osoblje također podliježe mjerama dezinfekcije obuće i ruku kao i provjeri tjelesne temperature na daljinu
- Osoblje je dužno dezinficirati svoj radni prostor, dok cijelu unutrašnjost objekta dezinficira i higijenu redovno održava radnica na održavanju higijene

- Ljekar koji je raspoređen da taj dan radi na OST-u indicira da se skrining testovi uzoraka urina rade u reduciranoj formi te obavezno u situacijama kada postoji medicinska indikacija

Dok su na snazi vanredne mjere svi pacijenti i radnici dužni su pridržavati se gore opisanih mjera zaštite uzevši u obzir činjenici da su sve mjere podložne promjenama u skladu sa odlukama koje donose nadležni krizni štabovi.

**5. Revizija ove procedure vrši se u slučaju potrebe, a primjenjuje se sve dok traje pandemija izazvana virusom SARS CoV2.**

**Revizija iste ce se vršiti u budućnosti, samo u slučaju ponovnog vanrednog stanja i druge nesreće.**

|                                                                                                                                                                                                                                                                                                                                                                                                                                                                                                                                                                                                                                                                                                                                                                                                                             |                                                                                                                                                                   |
|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------|
| Uradio/la                                                                                                                                                                                                                                                                                                                                                                                                                                                                                                                                                                                                                                                                                                                                                                                                                   | <p style="text-align: right;"><b>Prim. dr. Amir Balić,</b><br/>specijalista neuropsihijatar<br/><b>dr. Nizama Šukurović,</b><br/>specijalista neuropsihijatar</p> |
| Koordinator Pregledao / saglasan                                                                                                                                                                                                                                                                                                                                                                                                                                                                                                                                                                                                                                                                                                                                                                                            | <p style="text-align: right;"><b>Maghula Grabovica,</b><br/>magistar zdravstvene njege i terapije</p>                                                             |
| Odobreno od strane direktorice ustanove:                                                                                                                                                                                                                                                                                                                                                                                                                                                                                                                                                                                                                                                                                                                                                                                    | <p style="text-align: right;"><b>Doc. dr. sci. med. Nermana Menić- Basara</b><br/>Prim. Spec. neuropsihijatar<br/>Subspecijalista za bolesti ovisnosti</p>        |
| <p style="text-align: center;"><b>AUTORSKO DJELO</b></p> <p style="text-align: right;"></p> <p><i>Svi dokumenti predstavljaju vlasništvo i autorsko djelo JU Zavoda za bolesti ovisnosti Kantona Sarajevo i podliježu zaštiti autorskih prava i srodnih prava BiH. Dokumenti su namijenjeni za internu upotrebu radnika Zavoda te iste nije dozvoljeno kopirati i distribuirati izvan ustanove. Svaka zloupotreba koja se odnosi na uključivanje sadržaja sa Internet stranice, umnožavanje, mijenjanje, uređivanje, prikazivanje, distribuiranje, prodavanje, prilagođavanje, mijenjanje i slanje sadržaja, tekstova i fotografija bez odobrenja Komisije za kvalitet i sigurnost je strogo zabranjeno i podliježe sankcijama.</i></p> |                                                                                                                                                                   |